



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-3620/12
Sarajevo, 7.3.2013. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLIENO: 08 -03- 2013			
Organizaciona jedinica	Klasifikaciona oznaka	Redni broj	Broj priloga
01-50-1		15-37	12

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 41. sjednici održanoj 7.3.2013. godine, utvrdilo je Odgovor na zastupničko pitanje koje je postavio Beriz Belkić, zastupnik u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegovog dostavljanja zastupniku.

S poštovanjem,

GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-3620/12
Sarajevo, 7.3.2013. godine

Beriz Belkić, poslanik u Predstavničkom domu Parlamentarne skupštine Bosne i Hercegovine, na 37. sjednici Predstavničkog doma održanoj 06.12.2012. godine, postavio je sljedeće poslaničko pitanje:

"Molim detaljnu informaciju o realizaciji zaključaka Vijeća ministara BiH sa 20. sjednice održane 18.09.2012. godine, a povodom Informacije o održanom trilateralnom sastanku predstavnika BiH, Republike Hrvatske i Evropske komisije o upravljanju granicom. Tamo ima osam zaključaka, ima ih izuzetno važnih, o njima se danas govori, ovih dana govori i ističu se kao problem, a od oficijelnih institucija nemamo informacija, dakle bilo bi dobro da ovaj Parlament i javnost zna šta se dešava vezano za realizaciju ovih osam zaključaka."

Na postavljeno pitanje, Vijeće ministara Bosne i Hercegovine je na 41. sjednici održanoj 7.3.2013. godine, utvrdilo sljedeći

ODGOVOR

Državna komisija za integrisano upravljanje granicom BiH je 01.10.2012. godine dobila dopis od strane Generalnog tajništva-Vijeća ministara BiH kojim se tražilo da sve institucije na koje se odnose usvojeni zaključci dostave odgovore Generalnom tajništvu koji će objedinjene rezultate dostaviti Vijeću ministara BiH. Dana 03.10.2012. godine Državna komisija za integrisano upravljanje granicom BiH navedeni dopis prosljedila svim nadležnim institucijama na upoznavanje i dalje postupanje.

- 1. Prihvata se prijedlog Evropske komisije da Evropska unija uredbom izvrši derogaciju svoje pravne stečevine koja se odnosi na tranzit roba biljnog i životinjskog porijekla u i iz Luke Ploče. S tim u vezi, Vijeće ministara je zadužilo Ured za veterinarstvo BiH i Upravu BiH za zaštitu zdravlja bilja da, u saradnji s predstavnicima Evropske komisije, rade na ovoj uredbi.**
- Na održanom trilateralnom sastanku predstavnika Bosne i Hercegovine, Republike Hrvatske i Evropske komisije o upravljanju granicom, u Briselu, 19.12.2012. godine, predstavnici Evropske komisije su informisali prisutne da se na proteklim sastancima Evropska komisija obavezala, da kroz pregovore sa BiH stranom sačini listu roba biljnog i životinjskog porijekla (izuzev živih životinja), koje će moći tranzitirati u i iz Luke Ploče. Spisak bi bio prihvaćen Uredbom Evropske komisije i na taj način bi postao dijelom pravne stečevine Evropske unije.
S tim u vezi, BiH strani je tokom sastanka uručen tekst nacrtu tri Odluke, kojim se derogira pravna stečevina Evropske unije, te je zatraženo da se dostavi mišljenje

Evropskoj komisiji najkasnije do 10. januara 2013. godine. Odluke su pripremljene na osnovu zahtjeva BiH strane i na osnovu statističkih podataka o robama koje se trenutno izvoze iz BiH preko Luke Ploče. Kod pripremanja navedenih odluka Evropska komisija se rukovala sličnim rješenjima koje je imala u slučaju tranzita roba biljnog i životinjskog porijekla u regionu oko Kaljingrada (Rusija).

Predstavnici Evropske komisije su pojasnili da bi se u skladu sa nacrtima navedenih Odluka, režim tranzita roba životinjskog porijekla, u i iz Luke Ploče, odvijao u dva pravca i to:

- BiH strani bi bilo dozvoljeno da preko Luke Ploče uvozi iz trećih zemalja svu robu biljnog i životinjskog porijekla ukoliko je za takvu robu dozvoljen uvoz u Evropsku uniju u skladu sa njihovim pravilima (što se odnosi na oko 80% proizvoda koje BiH trenutno uvozi). To praktično znači, da BiH strana preko Luke Ploče ne bi mogla uvoziti neke proizvode koji ne ispunjavaju uslove za uvoz u Evropsku uniju (naprimjer meso peradi koja se uvozi iz Turske, goveđe meso iz Urugvaja). Ovakav stav Evropska komisija zasniva na činjenici, da BiH strana ne može davati garancije za treće države koje se odnose na kvalitet tih proizvoda, te da bi uvoz takve robe predstavljao rizik kako za Evropsku uniju tako i za BiH.

- BiH strani bi bilo dozvoljeno da preko Luke Ploče izvozi sve vrste roba biljnog i životinjskog porijekla bez obzira da li su iste akreditovane u skladu sa pravilima Evropske unije (ovo pravo se daje kroz derogaciju pravne stečevine što je sadržano u prijedlozima gore navedenih odluka).

Tokom sastanka predstavnici Evropske komisije su na praktičan način pojasnili kako bi takva roba tranzitirala u i iz Luke Ploče (pregledanje dokumentacije i stavljanje pečata o tranzitu na dokumentaciju prilikom dolaska na granični prelaz Bijača-Nova Sela, bi vršili veterinarski inspektori Republike Hrvatske i pregledanje pečata u Luci Ploče – inspektori Republike Hrvatske). Što se tiče režima tranzita roba kroz neumski koridor predstavnici Evropske komisije su pojasnili da će kontrolu te robe (stavljanje pečata, kontrolu vremena prelaska robe) također, vršiti inspektori Republike Hrvatske, što nije ekvivalent kontroli roba koja tranzitira kroz Luku Ploče.

Predstavnici Evropske komisije su pohvalili predstavnike BiH strane koji su u kratkom vremenu ispunili upitnik, koji je vezan za ispunjavanje uslova za izvoz krompira iz BiH u zemlje Evropske unije. Evropska komisija će pregledati upitnik i dati svoje mišljenje na isti. Upitnik je dostavljen BiH sa vrlo kratkim rokom za davanje odgovora i predstavnici DG SANCA su bili iznenađeni što su odgovore dobili na vrijeme. Takođe, su naglasili da BiH strana treba poslati zvaničan zahtjev za izvoz krompira u zemlje Evropske unije.

BiH strana je još jednom ponovila svoj stav da je zainteresovana da se na jednak način tretira pitanje tranzita roba biljnog i životinjskog porijekla kroz neumski koridor i kroz Luku Ploče.

Evropska komisija je naglasila da derogacija pravne stečevine u odnosu na uvoz nije moguća, odnosno da je BiH strani omogućen maksimum.

2. Vijeće ministara pokreće zakonsku proceduru za potpisivanje interpretativne izjave koju je ponudila hrvatska strana bez izmjene, kada uredba Evropske unije bude donesena.

- Vijeće ministara Bosne i Hercegovine pokreće zakonsku proceduru za potpisivanje Interpretativne izjave koju je ponudila hrvatska strana bez izmjene, kada uredba Evropske unije bude donesena.

Iako Uredba Evropske unije još nije donesena, Ministarstvo vanjskih poslova BiH je poduzelo odgovarajuće pripremne aktivnosti. U tom smislu, na prijedlog Ministarstva vanjskih poslova Bosne i Hercegovine, Vijeće ministara BiH je na 26.sjednici održanoj 12.11.2012.godine predložilo da Predsjedništvo BiH prihvati potpisivanje Interpretativne izjave koju je ponudila hrvatska strana bez izmjene kada Uredba EU bude donesena i pod uslovom derogacije pravne stečevine EU u odnosu na luku Ploče. Prijedlog zaključaka Vijeća ministara Bosne i Hercegovine dostavljen je 21.11.2012.godine Predsjedništvu Bosne i Hercegovine na usvajanje u ovom sadržaju:

1. Usvaja se Informacija Ministarstva vanjskih poslova BiH o održanom trilateralnom ministarskom sastanku;
2. Predsjedništvo BiH će prihvatiti potpisivanje Interpretativne izjave koju je ponudila hrvatska strana bez izmjene kada Uredba EU bude donesena i pod uslovom derogacije pravne stečevine EU u odnosu na luku Ploče;
3. Predsjedništvo zadužuje Vijeće ministara BiH da uspostvi zajedničko tijelo za koordinaciju svih institucija i komisija uključenih u rješavanje otvorenih pitanja između BiH i Republike Hrvatske
4. Predsjedništvo BiH zadužuje Vijeće ministara BiH da osnuje Komisiju za primjenu UN-Konvencije o pravu mora.

Predsjedništvo Bosne i Hercegovine još nije razmatralo Prijedlog zaključaka Vijeća ministara Bosne i Hercegovine.

Ministarstvo vanjskih poslova Bosne i Hercegovine je u insistiranju na odobravanju tranzita svih proizvoda preko luke Ploče nakon pristupanja Republike Hrvatske Evropskoj uniji odnosno derogaciji pravne stečevine EU u odnosu na luku Ploče, poduzelo i odgovarajuće diplomatske aktivnosti. Tokom bilateralnih susreta na visokom nivou urečena je promemorija koja odražava istorijske specifičnosti luke Ploče i neophodnost dalje primjene stečenih prava BiH zagwarantovanih Sporazumom između Bosne i Hercegovine i Republike Hrvatske o slobodnom tranzitu kroz Neum i luku Ploče. Promemorija je, između ostalog, uručena državnom sekretaru SAD-a Hillary Clinton, ministru vanjskih poslova Velike Britanije Williamu Hagueu, kao i visokoj predstavnici Evropske unije za vanjske poslove i sigurnosnu politiku Catherine Ashton.

Ministarstvo vanjskih poslova BiH je uputilo instrukciju diplomatsko-konzularnim predstvištvima BiH u zemljama članicama EU, SAD-u, Norveškoj i Švicarskoj sa detaljnom elaboracijom ovog pitanja. Ambasadori BiH u navedenim državama su obavili razgovore i uručili promemoriju u ministarstvima vanjskih poslova država članica EU.

Kao dio aktivnosti koje su uslijedile nakon posljednjeg trilateralnog ministarskog sastanka (BiH-EK-RH) od 19.9.2012.godine u Briselu, održane su dvije videokonferencije na bilateralnoj osnovi (BiH-EK) i terenska posjeta luci Ploče¹ i četvrti trilateralni sastanak na ekspertnom nivou 19.12.2012.godine.

Evropska komisija je na trilateralnom sastanku 19.12.2012.godine uručila nacrt tri uredbe o derogaciji pravne stečevine EU u odnosu izvoz bh. proizvoda preko luke Ploče. Nakon analize predmetnih uredbi i posljedica po trgovinski režim BiH, Vijeće ministara BiH će formulirati stajalište u pogledu prihvatljivosti ponuđene derogacije. Na ovom osnovu zasnivat će se dalja procedura potpisivanja Interpretativne izjave.

¹ Videokonferencije su održane 9.11.2012.g. i 7.12.2012.godine, a terenska posjeta luci Ploče 28.11.2012.godine

Kancelarija za veterinarstvo BiH je dobila izmjene i dopune Uredbi i Odluka Evropske komisije a koje se odnose na provoz roba životinjskog porijekla do luke Ploče.

Nazivi prijedloga izmijenjenih Uredbi i Odluka Evropske Unije

- 1) Uredba komisije o izmjenama i dopunama Uredbe Komisije (EU) Br. 142/2011 u vezi sa tranzitom određenih životinjskih nusproizvoda iz Bosne i Hercegovine
- 2) Odluka komisije o izmjenama i dopunama Odluke 2007/777/EC u vezi sa tranzitom određenih mesnih proizvoda i obrađenih želudaca, mjechura i crijeva za prehranu ljudi iz Bosne i Hercegovine,
- 3) Provedbena Uredba komisije o izmjenama i dopunama Uredbi Komisije (EU) Br. 798/2008, (EU) Br. 605/2010 i Br. 28/2012 u vezi sa tranzitom određenih proizvoda životinjskog porijekla iz Bosne i Hercegovine (mlijeko, proizvoda od mlijeka, kompozitni proizvoda , meso peradi, proizvoda od mesa peradi,jaja)

Ovim Odlukama I Uredbom odobrava se Bosni I Hercegovini provoz proizvoda životinjskog porijekla od GP Bijača odnosno Metković do luke Ploče a koji su namjenjeni izvozu u treće zemlje.

Uvidom u dio Odluke koji se odnosi na tranzit/provoz roba životinjskog porijekla iz BiH preko Luke Ploče uočeno je da nisu obuhvaćeni proizvodi životinjskog porijekla koji se odnose na "crveno meso", a koji su opisani pod slijedećim carinskim oznakama:

0201 | Meso goveda, svježe ili rashlađeno | svi |

0202 | Meso goveda, smrznuto | svi |

0203 | Meso svinja, svježe, rashlađeno ili smrznuto | svi |

0204 | Meso ovaca ili koza, svježe, rashlađeno ili smrznuto | svi |

020500 | Meso konja, magaraca, mula ili mazgi, svježe, rashlađeno ili smrznuto | svi |

0206 | Jestivi otpaci goveda, svinja, ovaca, koza, konja, magaraca, mula ili mazgi, svježe, rashlađeno ili smrznuto | svi |

0207 | Meso i jestivi otpaci, peradi pod tarifnim brojem 0105, svježe, rashlađeno ili smrznuto | svi |

0208 | Drugo meso i jestivi mesni otpad, svježe, rashlađeno ili smrznuto | svi, izuzev: sirove tvari koja nije namijenjena za prehranu ljudi. Ovo uključuje kosti i druge tvari za proizvodnju želatine ili kolagena za prehranu ljudi. Obuhvata svo meso i jestive mesne otpatke iz sljedećih tarifnih podbrojeva: 020810 (od kunića ili zečeva) 02083000 (od primata) 020840 (kitova, delfina i pliskavica (sisara iz reda *Cetacea*); lamnatina i moronja (sisara iz reda *Sirenia*); foka, morskih lavova i morževa (sisara iz pod-reda *Pinnipedia*) 02085000 (reptila, uključujući i od zmija i kornjača) 02086000 (kamila i drugih životinja iz skupine kamila (*Camelidae*)) 020890 (drugo): od domaćih golubova, divljači, osim zečeva ili kunića): obuhvata meso prepelica, sjevernih jelena ili bilo kojih drugih vrsta sisara. Obuhvata žablje krake iz oznake KN 02089070. |

0209 | Svinjska mast, bez krtog mesa, mast peradi, netopljena ili izdvojena na neki drugi način, svježa, rashlađena, smrznuta, soljena, u salamuri, sušena ili dimljena. | svi, uključuje i mast i prerađenu mast kako je opisano u stupcu 2. |

0210 | Meso i jestivi mesni otpad, soljen, u salamuri, sušen ili dimljen; jestiva brašna i grubo mljevena mesna brašna ili mesnog otpada | Svi: Uključuje meso, proizvode od mesa i druge proizvode životinjskog porijekla. Obuhvata prerađene životinjske bjelančevine i sušene

svinjske uši za prehranu ljudi. Kostii za prehranu ljudi su obuhvaćene tarifnim brojem 0506. Kobasice su obuhvaćene tarifnim brojem 1601. Čvarci su obuhvaćeni tarifnim brojem 2301.

Obzirom da su Odluke Evropske komisije pripremljene na osnovu zahtjeva BiH strane i na osnovu statističkih podataka o robama koje se trenutno izvoze iz BiH preko Luke Ploče, a da se iz BiH nije u proteklom periodu izvozila preko ovog prijelaza meso pod gore opisanim carinskim oznakama, BiH će tražiti uvrštavanje pomenutih proizvoda u spisak.

BiH bi mogla trpjeti velike štete, ukoliko meso i mesni proizvodi iz glave 02 (gore navedeni) ne budu uvršteni u EU propise o derogaciji za tranzit roba BiH porijekla kroz Luku Ploče.

3. Vijeće ministara zadužuje nadležne institucije da ubrzaju aktivnosti na izgradnji graničnog prelaza Bijača – Pozla Gora.

Uprava za indirektno oporezivanje BiH preduzela je sve aktivnosti oko realizacije izgradnje inspekcijskog graničnog prelaza Bijača.

Pribavljeno je odobrenje za izvođenje pripremnih radova, što je bio uslov da Autoceste Federacije BiH mogu da uđu u posjed i počnu sa izvođenjem radova.

UINO BiH je dostavila Federalnom ministarstvu prostornog uređenja sve tražene saglasnosti, odobrenja, plaćene takse, rente te dokaze o završenim naknadama za ekspropisanu nekretninu.

Raspisan tender za odabir izvođača radova, ukoliko se aktivnosti budu odvijale po planu izvođač radova bi trebao biti odabran do 15.03.2013. godine

Vlada Federacije je dala saglasnost na projektnu dokumentaciju (10.01.2013.).

Ministarstvo komunikacija i prometa BiH, treba da direktnim sporazumom, odredi ko će izvršiti nostrifikaciju projektna dokumentacije. Navedena aktivnost još nije urađena te iz tog razloga Federalno ministarstvo prostornog uređenja nije u mogućnosti dati projektnu dokumentaciju na javnu raspravu koja treba da bude objavljena u javnom glasilu i da traje minimalno 15 dana. Nakon obavljene javne rasprave Federalno ministarstvo prostornog uređenja može izdati odobrenje za građenje.

UINO BiH čini sve napore da se stvore uslovi za minimalno funkcionisanje inspekcijskog graničnog prelaza Bijača do 30.06.2013. godine.

4. Državna komisija za integrisano upravljanje granicom dostaviće svim resornim ministarstvima koja su uključena u proces integrisanog upravljanja granicom Bosne i Hercegovine, uz naznaku da će Vijeće ministara za svaku oblast formirati posebne pregovaračke timove.

- Državna komisija za integrisano upravljanje granicom BiH navedeni dopis 03.10.2012. godien prosljedila svim nadležnim institucijama na upoznavanje i dalje postupanje.

5. Vijeće ministara traži da predstavnici Bosne i Hercegovine budu uključeni u sve aktivnosti na izradi studije izvodljivosti vezane za Neumski koridor.

- Vijeće ministara traži da predstavnici Bosne i Hercegovine budu uključeni u sve aktivnosti na izradi studije izvodljivosti vezane za Neumski koridor.

U skladu sa zaključkom trilateralnog sastanka od 19.9.2012.godine u Briselu, Evropska komisija je 14.12.2012.godine dostavila nacrt studije predizvodljivosti za neumski koridor. Vijeće ministara BiH je na 34.sjednici održanoj 11.1. 2013.godine je usvojilo Informaciju o konceptu Predstudije izvodljivosti za neumski koridor i donijelo odluku o uspostavljanju Savjetodavnog odbora. Za članove Savjetodavnog odbora Vijeće ministara BiH je u ime institucija BiH imenovalo: Izeta Bajrambašića, Miroslava Tomića, Osmana Topčagića, Božu Zovku i Nevenku Savić.

Članovi Savjetodavnog odbora su zaduženi da redovno informišu Vijeće ministara BiH i Državnu komisiju za integrirano upravljanje granicom o aktivnostima u okviru ovog tijela i da pribave mišljenje Vijeća ministara BiH koje će zastupati na sastancima s predstavnicima Republike Hrvatske i Evropske komisije u vezi sa izborom najbolje prometne opcije u neumskom koridoru.

6. Vijeće ministara predlaže Parlamentarnoj skupštini Bosne i Hercegovine i Predsjedništvu Bosne i Hercegovine da razmotre mogućnost nastavka procesa ratifikacije Ugovora o državnoj granici između Bosne i Hercegovine i Republike Hrvatske.

- Zaključkom sa 20.sjednice Vijeće ministara Bosne i Hercegovine predložilo je Parlamentarnoj skupštini BiH i Predsjedništvu Bosne i Hercegovine da razmotre mogućnost nastavka procesa ratifikacije Ugovora o državnoj granici između Bosne i Hercegovine i Republike Hrvatske.

Pitanje nastavka procesa ratifikacije Ugovora o državnoj granici između BiH i Republike Hrvatske još nije razmatrano u Parlamentarnoj skupštini i Predsjedništvu Bosne i Hercegovine.

7. Zaključeno je da je potrebno u sastav Državne komisija za integrirano upravljanje granicom imenovati i jednog predstavnika Ministarstva vanjske trgovine i ekonomskih odnosa a na prijedlog ministra.

- Vijeće ministara BiH, na 32. sjednici održanoj 18.12.2012. godine, donijelo je Odluku o izmjeni i dopuni Odluke o osnivanju Državne komisije za za integrirano upravljanje granicom BiH, u kojoj je imenovan novi član Komisije ispred Ministarstva spoljne trgovine i ekonomskih odnosa BiH.

8. Vijeće ministara je zaključilo da će se o svim implikacijama zbog ulaska Republike Hrvatske u Evropsku uniju raspravljati na tematskoj sjednici Vijeća ministara koja će biti zakazana u najskorije vrijeme.

- Vijeće ministara BiH na 38. tematskoj sjednici, održanoj 07.02.2013. godine kojoj je prisustvovao šef Izaslanstva Evropske unije u BiH veleposlanik Peter Sørensen, usvojilo je set mjera s ciljem ubrzanja aktivnosti za prevazilaženje posljedica po Bosnu i Hercegovinu nakon pristupanja Republike Hrvatske Europskoj uniji i to:

- Vijeće ministara BiH usvojilo je Informaciju Ministarstva vanjskih poslova s predloženim zaključcima o proceduri prihvatanja zajedničke izjave o tumačenju i primjeni članka 11. Sporazuma o slobodnom tranzitu kroz teritorij Republike Hrvatske u i iz Luke Ploče i kroz teritorij Bosne i Hercegovine u Neumu, potpisanog 22. 11. 1998. godine.

- Vijeće ministara BiH, na prijedlog Direkcije za evropske integracije, usvojilo je Sumarnu informaciju o realizaciji Akcijskog plana za prevazilaženje posljedica pristupanja Republike Hrvatske Europskoj uniji i Izvješće za IV. kvartal 2012. godine o realizaciji ovog akcijskog plana, koji je Vijeće usvojilo početkom ožujka prošle godine.

- Vijeće ministara BiH je usvojilo Mišljenje s trilateralnog sastanka predstavnika Bosne i Hercegovine, Republike Hrvatske i Europske komisije o upravljanju granicom, održanom u Bruxellesu 19. 12. 2012. godine, a koje se odnosi na odluke o derogaciji pravne stečevine Europske unije u odnosu na Luku Ploče, s analizom posljedica koje će prihvaćanje ponuđene derogacije imati za trgovinski režim, a koju je pripremio Ministarstvo vanjske trgovine i ekonomskih odnosa.

- Vijeće ministara BiH usvojilo je Kratki pregled realizacije Mape puta za izvoz proizvoda životinjskog i biljnog podrijetla, koji je pripremio Ministarstvo vanjske trgovine i ekonomskih odnosa s ciljem redovitog izvještavanja Vijeća ministara BiH o napretku u ovoj oblasti.

- Vijeće ministara BiH, na prijedlog Ureda za veterinarstvo BiH, usvojilo je Informaciju o realizaciji aktivnosti prema preporuci misije FVO-a koje će biti provedene kako bi sustav službenih kontrola u lancu hrane i stočne hrane u Bosni i Hercegovini bio prepoznat od Europske unije kao vjerodostojan i usklađen sa zahtjevima legislative EU-a.

- Vijeće ministara BiH, na prijedlog Državnog povjerenstva za integrirano upravljanje granicom, usvojilo je Akcijski plan aktivnosti nadležnih institucija BiH koje trebaju biti realizirane do dana pristupanja Republike Hrvatske Europskoj uniji.

- Vijeće ministara BiH usvojilo je Informaciju Državnog povjerenstva za integrirano upravljanje granicom o pograničnoj problematici i prihvatilo prijedlog predstavnika Republike Hrvatske o privremenom rješenju izdavanja pograničnih propusnica, kako bi stanovnicima koji žive u pograničnom području bio omogućen prelazak preko graničnih prijelaza za pogranični promet i nakon 1. srpnja 2013. godine. Ovo prelazno rješenje bit će uređeno novim sporazumom o pograničnom prometu i suradnji.

- Vijeće ministara BiH zadužilo je Ministarstvo sigurnosti BiH da na bilateralnoj osnovi nastavi razgovore s hrvatskom stranom u vezi s daljnjom primjenom Sporazuma između Vijeća ministara BiH i Vlade Republike Hrvatske o viznim olakšicama u dijelu koji se odnosi na priznavanje osobne iskaznice BiH kao dokumenta s kojima će se moći prelaziti granica između BiH i Republike Hrvatske nakon ulaska Hrvatske u EU.